

四庫全書存目叢書編纂委員會編

莊嚴文化事業有限公司

四庫全書存目叢書

四庫全書存目叢書編纂委員會編

江苏工业学院图书馆
藏书章

莊嚴文化事業有限公司

四庫全書存目叢書

集部
第六九冊

版權所
翻印必
究有

四庫全書存目叢書·集部六九

(大陸外版·限中國大陸外發行)

編纂者 四庫全書存目叢書編纂委員會
出版者 莊嚴文化事業有限公司

社址 臺灣臺南縣柳營鄉八翁村九三之十號一樓

門市 臺灣臺南縣永康市復國一路四四三號

電話 八八六—六—六二二五二九五

傳真 八八六—六—六二二四五五六

郵撥 三一二八一三六一

行政院新聞局局版臺省業字第肆伍號

出版證號
版本記錄
七八七×一〇九二毫米 十六開本 三八印張

一九九七年六月初版一刷

國際標準書號 ISBN 957-99433-3-8

印製者 香港泰來亨國際有限公司

發行人 黃舒眉

集部定價 美金參萬貳佰參拾圓

ISBN 957-99433-3-8



9 789579 943338

US\$30230



集部第六九冊目次

集部·別集類

渭厓文集十卷(二)

〔明〕霍韜撰

北京大學圖書館藏明萬曆四年霍與瑕刻本

..... 一

西原先生遺書二卷

〔明〕薛蕙撰

南京圖書館藏明嘉靖四十二年王廷刻本

..... 三五六

谿田文集十一卷補遺一卷

〔明〕馬理撰

清華大學圖書館藏明萬曆十七年刻清乾隆十七年補修本

..... 四一一

渭厓文集十卷(二)

〔明〕霍韜撰

北京大學圖書館藏明萬曆四年霍與瑕刻

本

附《四庫全書總目·渭厓文集

十卷》提要

渭厓文集卷之四

疏

申明禮制疏

臣欽蒙

聖恩陞任南京禮部尚書臣將伏候

陛辭赴任供職竊念臣忝禮官典禮臣所事守也古者帝

王之制禮也昭之天彝以秩大分修之人紀以辨大

倫毫髮不忒是故上下不淆民志不僭

帝王所以安定天下也我

太祖高皇帝定天下首明禮制以崇化次定律令以格頑

渭厓文集

卷四

熊昇

列聖率循禮教洋溢海宇同軌矣況南都我

皇祖所以肇基也典禮宜天下先焉臣未到南都禮制之

詳未敢具論姑舉一二切于百僚所取式者取自

上裁臣伏覩禮儀定式京官三品以上乘轎其餘不許

累朝定制也近日南京文官不論職秩崇卑皆乘轎焉

或乘女轎闔城丈夫混同婦人非美兆也或施帳幔

儀飾幾於

上僭矣前月且有擡轎經長安門者甚無忌也兩京一

體也南京文官不式典禮如此何以責道化之達而

不倍也禮儀定式官員相遇迴避有等上非倣而下

非訕也夫卑以避尊非以飾讓也所以定分也上下分定然後兆民觀化而天下治也近日南京文官街衢相遇卑不避尊混肆唐突舊年尚書劉龍興給事中曾鈞計奏崇端之起由曾鈞乘馬徑衝劉龍潛珍兩轎之間劉龍遂查曾鈞私乘驛馬曾鈞遂劾劉龍和買貨物兩詞交構始於爭道是職秩之分不明禮讓之風不著也衣冠不讓如此何以責庶民之不爭以犯分也臣惟車輿之制所以命德上下之辨所以定治禮遜之流所以徵化國家不可湏臾缺者也臣禮官也斯禮也臣職所事守也伏乞

清江文集

卷四

二

御批初刻

初下禮部會同都察院申明禮制俾臣到任遵守焉於以

昭我

皇明禮教之盛達于天下或所在官員猶踵舊習僭禮犯

分上乖

皇度臣即會南京都察院具實以

聞庶禮教承式海宇同風臣下澆薄之風亦因格化實微

臣效職一事也

聖旨禮部會同都察院看了來說

乞恩罷黜以避嫌疏

臣由吏部左侍郎幸蒙

聖恩陞南京禮部尚書竊念臣一芥草茅廿年科第拔自三品超列八座臣不勝榮忭不勝感激臣受知素深圖報實切方將伏候面

恩仰荅

鴻迓乃敢
陛辭赴任供職不意近日禮部尚書夏言與順天府尹劉淑相訐奏內一節云劉淑相邀請諸臣遨遊銀山鐵壁為大不敬奏內雖不指臣姓名實暗坐臣罪也蓋遊銀山鐵壁臣實倡首焉若曰論罪臣實罪首不敢自諱是時也適值免朝臣語劉淑相曰前看

清江文集

卷四

三

御批初刻

陽翠嶺地形勢狹小不可用矣聞銀山鐵壁形勢奇偉或有吉地蓋往觀乎蓋劉淑相頗諳地理臣生長山中亦頗識山之形勢故同往觀之也都御史党以平學士蔡昂廖道南聞臣之行遂亦偕往今夏言以是論劉淑相之罪實暗論臣罪也何也倡遊山之議臣實始之諸臣乃因臣而行也則罪之首宜坐之臣之身臣不敢辭夏言又曰淑相上疏議陽翠嶺地謂淑相疑夏言沮之惟當日疏臣實倡首臣並不疑夏言淑相又何疑焉臣下獻策于

朝廷各盡其忠而已矣用不用豈所計也如必互相疑

忘是爲身私利也豈公天下之謀也夏言之奏雖爲劉淑相而發實暗指臣也臣雖不才惟知爲

國秉公而已矣惟知爲

朝廷存大體而已矣何嘗疑忌于人臣常讀史見古之誤國奸臣皆爭利戀寵爭祿位之崇乎而已矣始也自喪其心終也誤人之國臣常念念以爲廢監故凡遇事非切治體未嘗輕與人競亦未嘗忌人惟踪跡孤子恒爲夏言所疑臣若隱忍在位致夏言疑忌孰若避位退休亦可保全小節此臣所以乞罷黜也夏言又曰淑相輕侮陵犯實有一二臣陰嗾之犬亦暗

清庵文集

卷八

四

五

指臣也夏言今號于人曰淑相如攻我致我敗露必擡三四人相陪餘三人各有所指內一人則指臣也斯言也在外大小臣皆聞之臣蒙夏言之疑如此何以自明臣讀邸報見劉淑相奏云夏言爲徽州客人吳良佐霸州大戶高聰嗾托且云封錄數冊內有小帖此等事情豈傍人能知之哉夏言如無嗾託實跡即宜懇乞天恩爲之辨明

勅下法司提費宏吳良佐高聰與劉淑相面對則夏言曾否嗾託劉淑相曾否聽人嗾吠皆可知矣夏言不自省已乃疑臣至此臣不早退必難保全是臣不得不

乞罷黜也臣不得已再將夏言論臣罪犯太過者畧言之臣倡率遊山不先奏

聞麗之于法曰違制又曰不應爲則臣不敢辨若曰大不敬則臣不能堪也蓋大不敬之罪具列十惡之目臣子蒙十惡之名生無所容於覆載死難瞑目于泉壤雖孝子慈孫百世不能洗也臣至不才何以堪此罪名哉如曰臣之遊山論罪宜曰大不敬矣然則夏言嗾託律宜何罪耶乞

清庵文集

卷四

五

四

勅夏言讀大明律勢要嗾託該得何罪受賊爲人嗾託該得何罪如夏言所犯之罪皆依律定擬臣亦甘伏大不敬之辜矣臣不得已又將夏言行事証之律曰其各奏公事若有窺避增減緊關情節朦朧奏准施行已後因事發露雖經年遠鞫問明白斬

聖祖制律之嚴所以戒奸臣也奸臣互相欺罔互相蒙蔽是禍亂所由滋也

聖祖所深惡也去年大學士費宏病故夏言爲之請謚舊制凡請謚皆行考功司備查本官歷任有無被劾乃敢題請取自

上裁情節行實不敢增減不敢假借天下之大公也聖祖定制也費宏被御史鄭氣劾其賄賂受玉御史鄭洛

書劾其納彭夔之賄御史張祿劾宏家門貽玷殉祿

貪榮御史蔣賜劾宏苞正賄賂日滿門庭夏言徇私盡與隱匿誤蒙

聖恩賜謚文憲夫曰文者儒臣通謚也若曰憲者我

憲宗皇帝徽號也宏何人斯敢當

憲祖徽號也哉夏言增減緊關情節朦朧奏准得之也臣

擅造山伏大不敬之罪矣夏言爲費宏窺避增減緊關情節罪宜如之何伏乞

聖明察臣孤立顛危之極賜臣罷黜然後

勅下廷臣擬臣罪狀與夏言罪狀查照律法請自

清江文集

卷四

六

夏言

上裁庶幾夏言與臣罪犯輕重皆不能逃

聖祖彝典不能逃天下公論不能逃萬世策書臣卽瞑目

泉壤永甘心矣

聖旨卿扈從大臣自當朝夕君側乃恣意私遊猶辯飾已

過念昔忠於事免究該部知道

陸辭疏

臣伏蒙

聖恩陞任南京禮部尚書臣本月二日謝

恩訖宜卽趨任矣恭遇

聖上萬壽聖節臣當伏候拜舞稱賀乃敢啓行況臣受

恩素深遠遑

天顏實顧戀瞻依不忍遽去惟臣陞任日久不敢不去也

前月尚書湛若水雖轉吏部尚有侍郎費象在部管事今費象亦已轉任矣本部印信缺官署掌是臣又

不敢不速去也臣拜違

天顏踰數千里愧無可以效報

聖明者竊念古者帝王於其臣也有督教焉則錫之訓若書之誥命是也臣下將納忠焉則貢規諷之章若詩

之二雅是也唐虞之際天下盛治之極也君臣相告

猶曰儆戒無虞罔失法度猶曰任賢勿貳去邪勿疑

清江文集

卷四

七

神廟制

聖如帝舜豈俟臣下規戒蓋聖人之心嘗不自滿臣

之於君嘗過於規此唐虞之治所以盛也

陛下聖德超越千古

御製無逸兩碑不惟發明

君道無復餘蘊所以訓勅臣下者亦切至矣臣聳仰誦

聖謨曰失禮喪義悖親違君傷倫敗俗皆自逸肆中來臣

拜首稽首曰凡我臣僚服我

聖訓猶縱逸失德自欺自穢玷辱

聖化則非人類也臣載觀

太祖高皇帝祖訓若曰凡古帝王以天下爲憂者惟創業

之君中興之主及守成實君能之

聖祖曰以天下爲憂者卽

聖訓曰無逸之謂也

聖上之心與

太祖高皇帝之心後先一揆也臣觀

祖訓首章凡十七節若曰丞相專權亂政若曰四方水旱

等災若曰居安常懷警備若曰凡夜當警省若曰凡

人之姦良固爲難識若曰聽訟要明若曰賞功要當

無一時不嚴畏無一事不敬慎蓋

太祖之心卽帝舜儆戒無虞之心也我

清聖文集

卷四

八

莊秋

皇上無逸之心卽

太祖高皇帝之心也臣幸生

聖世樂園

聖化自揣于衷無毫髮之能仰答

鴻造今遠違

天顏無任惓惓謹服膺

聖訓以祗慎厥身載對揚

聖祖之謨與

聖上無逸之謨千億萬斯年而已矣臣不勝瞻戀戰惕之至

懇乞

聖明照察姦黨疏

臣昨日 陸辭訖將趨任矣因臣疏論官員迴避禮

儀及乘轎事例奉

聖旨禮部會同都察院看了米說尚書夏言卽詰大學士

李時云何故會都察院蓋謂會都察院則彼不能橫

逞其私以撓

聖制也于是主使禮科都給事中李充濁等肆言妄辨李

充濁等疏未上臣前數日已聞其密謀矣臣且行

矣禮儀定式具于

皇明制書自有公論臣不須贅辨惟夏言陰結諫官欺瞞

渭崖文集

卷四

九

郭野

聖主李充濁等甘爲夏言鷹犬不識不忠臣不力破姦謀

恐姦黨愈熾趨附愈多天下知有夏言不知有朝廷

陛下遂孤立于上矣臣先畧辨李充濁等所言之謬然後

畧述夏言姦黨實跡爲

聖明陳焉臣謹按洪武二十年

太祖高皇帝欽定官員相遇迴避等第凡八條內一節云

六品遇三品以上官引馬迴避四品引馬側立遇五

品趨右讓道而行無近侍不迴避之禮如李充濁之

言是則

太祖之制非耶又一節凡內官出入遇公侯伯一品二品

官引馬側立遇三品四品分道而行夫內官乃

朝廷近侍之臣也於文官無統屬者也遇一品二品官猶引馬側立若曰近侍官不迴避不知李充濁所據何典禮也豈悖

太祖之禮別逞其邪說耶又

太祖高皇帝欽定官員拜禮凡二條亦無近侍不行跪拜禮之說蓋姦人附會以自私也

太祖欽定禮儀萬世所遵守也李充濁不法

太祖則誰法也李充濁云給事中謝

恩與尚書同遂爲給事中可抗禮於尚書也今京堂五品

渭崖文集

卷四

十

朝天閣

以上官謝恩皆同尚書然則五品官亦可抗禮於

尚書耶外夷入貢面見辭謝皆同尚書然則外夷亦

可抗禮於尚書耶甚矣其言之悖也李充濁又云朝

參序立六科立御道之側謂是可抗禮尚書也今

鴻臚序班大漢將軍亦立御道之側然則大漢將

軍亦可比擬給事中序班小臣亦可抗禮尚書耶甚

矣李充濁不識職體也李充濁又云吏部兵部選官

都給事中同宴謂是可抗禮尚書也是日司屬官皆

同席酒餞然則司屬官亦可抗禮尚書耶蓋

賜酒餞以

朝廷爲主臣下受賜

朝廷爲主臣下受賜

君然

君尊于上臣下不得各申其分如日麗天衆星不得耀其

光也李充濁又云巡視京營紀錄軍功給事中與三

法司都御史抗禮謂是可抗禮尚書也謹按

太祖定制凡承宣召及祠祭官詣祠所遇應避之官不避

所以尊

朝廷也豈曰祠祭官可抗禮尊官耶春秋之法王人雖

微序于諸侯之上所以尊王也給事中奉

勅差遣遇都御史或暫抗禮所以尊朝廷也非承

渭崖文集

卷四

二

禁說

欽命烏得抗禮也李充濁援以爲此謂是可抗禮尚書也

甚矣李充濁不識職體也李充濁又云翰林官不迴

避錦衣衛官不迴避給事中可與比擬也皆宣德正

統年間失禮也非

太祖定制也今武職不避文官故文官不避公侯伯謂文

武職體不相統屬也翰林官不迴避楊榮楊士奇始

之也

太宗文皇帝命楊榮等以編修入內閣備

顧問漸無師傅故翰林不迴避楊榮楊士奇始之也非

太祖定制也今則或避或不避無定式皆禮官失考也李

充濁不能考訂

太祖典禮以一

有慶比擬效尤甚矣李充濁不識職體也李充濁又云給事中得論劾尚書謂是不可迴避也臣謹按憲綱都察院自御史至吏典皆得互相糾舉所以防姦臣也給事中可劾尚書即不迴避御史至吏典皆得糾舉堂官御史亦不可迴避耶都察院吏典亦可抗禮給事中耶蓋大姦大蠹爲

朝廷憂言官自宜糾劾政事乖錯國是倒置言官自

宜論諫皆諫官職也未聞借糾劾之權遂可僭分犯

清江文集

卷四

十一

郭用

禮也李充濁又云尚書批本于六科之門謂是爲六

科之權也臣謹按

太祖定制每日尚書奏事左侍郎面寫

聖旨于奏劄之上右侍郎送科親批押馬次日主事驗筆

跡乃抄出行馬所以防六科抵換之弊也侍郎批本

爲

朝廷防姦非尊六科也自楊榮楊士奇入內閣陰壞

舊制凡奏劄皆從內閣擬旨左侍郎無面寫

聖旨之制矣自是內閣權重而姦弊滋矣李充濁不能考

証舊制以革姦弊反借是以誇其權謂是可抗禮尚

書也甚矣李充濁不識職體也夫李充濁不識職體其罪小也黨附夏言欺瞞

陛下其罪大也臣畧陳之

陛下幸垂察焉嘉靖十四年正月都御史侯位劾犯賊知縣陳昌福谷繼宗夏言納賄爲之營救囑託汪鉞爲之立案汪鉞不聽夏言恨侯位而無以中傷之也由是主使李充濁妄劾侯位不早侍養感召災變疏云伏望

皇上勅下該部蓋謂禮科災異之劾或行禮部夏言可肆毒手也不意

清江文集

卷四

十三

郭用

勅下吏部遂失所圖李充濁即到臣門祈臣符同題覆臣

據實上

請內云權要囑託皆不聽允爲夏言發也

夏言李充濁所由恨臣也李充濁妄劾侯位其罪小

也黨附夏言作姦臣鷹犬其罪大也李充濁云尚書

奉職無狀給事中明白上聞也李充濁既知其職

矣夏言爲費宏請謚增減繁簡情節律合斬罪禮科

所宜駁正糾劾者也何不具實上

聞也夏言身爲大臣受富商厚賂爲之囑託玷辱

國體其污穢之聲播聞海內久矣李充濁可諉曰不知

耶何不具實上

聞也順天府通判費完與府尹劉淑相構隙曲直未明洵併提對理乃國法也今府尹下獄通判在位法司曲法紀綱安在李充濁何不具實上

聞也臣觀古今姦賊其臣未有如夏言者也夏言如列公卿之位則辱公卿使天下之人指而議曰如此賊濫尚為公卿他又何責焉自是姦賊無忌矣夏言職典禮則辱典禮所謂人而不仁如禮何者也夏言姦賊如此其心喪矣烏有喪心之人尚可污秩宗清選也哉夏言如入

太廟則辱

唐崖文集

卷四

七

新刊

宗廟竊惟

列聖在天之靈必震怒曰

國家憲典姦黨誅無赦賊污滿貫者絞

宗廟禮法之地豈容死罪之人得置足也夫至尊嚴莫如宗廟至污穢不潔莫如死罪犯人夏言身犯死刑豈可使

再玷禮職以辱宗廟也夏言罪狀顯白如此其為

尚書奉職有狀耶其為尚書奉職無狀耶李充濁不惟不以上聞反附為姦黨如此尚可玷辱諫垣也

乎夏言囑託汪鉉保全賊官張天衢汪鉉不聽夏言疑臣拒阻每次選官夏言必囑託三四人求好地方

臣多執沮不行夏言益加忌恨臣署部事夏言為驛丞楊許等囑託二次臣皆不聽侍郎張邦奇司屬官皆知之由是怨臣愈深前日臣掌選事題

請比選庶吉士例精選人才以備科道既得

旨准行矣夏言主使盧樞論奏盧樞奉

旨拏問夏言又主使鎮撫司千盧樞招內叅臣變亂選法

以污輦臣前次奉

旨大臣不許互相詆擊臣仰遵

聖訓矣夏言復陰使李充濁等攻臣謂臣欲自尊大然臣

所言皆臣職掌者也非為己也夏言先主使都給事

唐崖文集

卷四

七

新刊

中王禎攻臣王禎不肯乃主使謝廷蕙又陰使六科

新進不知禮制官員隨聲附和欲使六科視臣如讎

風聲陰鼓南京六科使南京六科視臣如讎彼乃可

得志而臣坐受禍也臣不足惜惟念今日臣僚皆垂

首低面畏避夏言矣六科十三道官豈無一人剛直

雖心欲攻夏言罪惡亦畏懼不敢矣東廠鎮撫司無

不承夏言風旨矣羅織構煽隨所意欲矣自古姦臣

之黨未有如夏言之盛者也自古天下之人畏姦臣

未有如畏夏言者也臣不敢言天下無敢言者矣天

下皆附夏言

陛下遂孤立干上矣臣極知言出程隨惟臣不勝危懼不勝痛憤乃熟思審處寧非一身之禍為

國家除去姦黨即瞑目泉下猶有生氣無黯黯保全以負聖明知遇之恩也臣不能仰體

聖明保全夏言至意罪該萬死伏乞

賜臣誅斥以謝夏言乃

勅法司會九卿科道議夏言罪狀庶幾姦黨破散黨禍潛

消天下幸甚

聖旨朕已有旨着大臣群僚之首各同寅贊治勿相詆擊如何又這等來說且不查究

渭崖文集

卷四

六

御天朝

慶賀疏

臣等於本年十月二十八日接到邸報伏見

勅下禮部

皇第二子生臣等不勝慶忭不勝歡躍竊念臣等心悅于

皇天上帝之誠至是遂矣天下臣民之望至是慰矣山河

海岳之靈至是效矣百千萬億蒼生之命至是永矣

宗廟社稷之主之祥百億斯年與

天無極矣臣等不勝慶忭不勝歡躍仰惟

皇上玄德格

天至仁覆物

聖學高出千古禮制度越百王上紹

列聖洪休下啓燕詒丕績亘古一見萬世無伍是宜天錫

胤祚祺薦吉祥繩繩螽斯振振麟趾

聖聖迭生世世紹德永造兆民之命永綿社稷之福永答

皇天之眷永懷

祖宗之心也臣等不勝慶忭不勝歡躍載伏竊思若俟

詔書到日乃拜舞稱賀則權慶喜躍之情不能自禁謹

于十一月初一日率會文武大小百官于南京禮部

陳設龍圖香案各具大紅錦繡吉服行五拜三叩

頭禮俟

渭崖文集

卷四

七

御天朝

詔書至日另具朝服拜舞稱賀庶幾少洩

嵩呼之誠載獻華封之祝也伏願

聖德益懋

天眷益隆胤嗣益昌

宗社益慶臣等不勝慶忭喜躍之至

聖旨覽卿等奏賀知道了禮部知道

乞恩賜封疏

臣蒙聖恩封贈臣祖考妣皆如臣官錫臣

誥命榮願足矣惟念臣先任詹事府詹事兼翰林院學士

已蒙

聖恩賜臣祖厚一臣父華皆如臣官祖考榮顯亦云足矣

惟臣曾祖玄珍尚未沾恩是臣所為耿耿也竊念

臣之曾祖玄珍實有陰騭以忠義教臣祖故於正統

十四年黃賊蕭養之亂臣祖厚一奮義破家力抗亂

賊皆臣曾祖之教也餘蔭及臣之父又逮臣身獲事

聖明是臣今日冒竊祿位皆臣曾祖之澤也臣忝顯秩曾

祖猶為庶人又臣所為耿耿也臣祖厚一之墳與曾

祖玄珍之墳聯壤並列臣祖已贈詹事無學士矣曾

祖未沾恩命春秋墓祭臣祖之心竊亦不安臣為

子孫不能安祖考之心是不孝也又臣所為耿耿也

渭厓文集

卷四

十一

即前刻

臣如幸荷聖明福澤之被少延狗馬之年榮逮曾

祖尚或有期惟慮臣命同榆柳湓先朝露臣之曾祖

遂沾恩無期也又臣所為耿耿也先是大學士張

孚敬桂萼方獻夫皆以侍郎封贈曾祖皆出

特恩臣不敢比擬惟願辭臣應得尚書

誥命贈臣曾祖妣梁氏庶幾祖以孫尊孫申祖敬實臣烏

烏之私之情所不能自己者也伏惟

皇上廣因心之孝推逮下之仁勅下吏部准臣馳封

公薦舉疏

淮南京吏部咨該太師焦太子太師武定侯郭勛奏

准備行到臣切惟進薦材賢大臣職分也况恭遇

聖主求賢圖治遑遑汲汲之時者哉臣惟今之人材隨所

長用之不責之備焉雖常才可用也赦小過許自新

責之效忠以自贖雖有罪戾者亦可用也昔者孔子

之論用人也謂孟公綽不可為滕薛大夫優為趙魏

老因才授任者也如曰責備則孟公綽之短於才生

今之世難乎免於黜也管仲事子糾入齊之役管仲

射桓公中鉤焉是管仲者桓公讎人也桓公舉之獨

任四十餘年遂霸諸侯一臣天下唐之魏徵事太子

渭厓文集

卷四

十九

即天祥刻

建成實讎秦王以輔太子若魏徵者秦王讎人也秦

王卽位擢用魏徵致貞觀之治唐室無與伍焉是故

古之用才雖讎不棄也况於小過者乎臣故曰因材

授任雖常才可舉也赦小過許自新雖罪戾者可舉

也又有養病過限才尚可用者有侍養家居才堪世

用者有自陳致仕年力尚強者有因執法自守為人

讒傷者有因觸大臣遂致黜謫者有因人誣累誤被

譴罰者有吏部考察誤致虧枉者皆宜備舉

甄錄之者也臣不能盡知天下才賢况經兩京科道及
各撫按屢舉薦者臣皆不贅惟舉臣所知伏候

聖明米川馬養病過限如給事中鄭慶雲陳江主事陳器林炫皆臣同科進士也臣所知者也臣所未知者尚多也乞

勅吏部行各撫按凡養病官員備查年力若有可用即起用焉則養病官員皆為

聖世用矣侍親在家如副使牛鸞僉事黃佐知府曹仲魁年力正強若俟親終起用恐衰老矣亦臣所知者也臣所未知者尚多也乞

勅吏部行撫按查侍親官具薦起用選授鄰境俾迎親就祿則侍親官員才可用者皆為

渭崖文集

卷四

手

印

聖世用矣自陳致仕如侍郎朱廷聲都御史高公詔國子監助教陳激衷叅政李銳副使王世芳僉事吳彥知府黃偉知縣陸燦鄧浩縣丞豐坊皆年壯才清素履無玷者也亦臣所知者也臣所未知者尚多也乞

勅吏部行撫按查致仕官員才可用者具薦起用則遺逸才賢皆為

聖世用矣執法自守為人讒傷如副都御史王大用任京職方面垂三十年冰清玉潔歷官三品家無寸土所治盜賊斂跡百姓賴寧可謂才且廉矣惟是不能阿循權勢遂投閒散亦臣所知者也臣所未知者尚多

也乞

勅吏部行撫按查凡守正執法官員為人讒傷才可用者具薦起用則持正有守之才皆為

聖世用矣因觸大臣遂致黜謫如修撰康海檢討王九思段吳得罪大學士李東陽而黜者也御史伍希儒謝源知州顏木得罪尚書喬宇而黜者也編修楊名主

事趙時春因論劾尚書汪鉉而黜者也知州王廷陳得罪御史喻茂堅而黜者也昔范仲淹為諫官劾宰相呂夷簡初若讎然呂夷簡復薦仲淹唐介為御史

劾宰相文彥博初亦若讎然文彥博復薦唐介君子謂呂夷簡文彥博猶有大臣之量也為大臣者容納

直士使直道正氣充滿天下是乃大臣職也若曰嫉害正人凡小臣觸已之怒皆假

國法中傷擠之古之所謂媚嫉小人也修撰康海檢討王九思段吳皆豪傑之才也李東陽誣為劉瑾之黨

黜為御史伍希儒謝源勤王督兵共擒宸濠忠義最著者也喬宇爭功黜焉可謂冤矣乞

勅吏部查明康海伍希儒等冤黜憑何罪跡為之昭雪仍行撫按查凡觸怒大臣誤罪而黜者具薦起用則天下正人皆為

渭崖文集

卷四

三

印

聖世川矣因人註累如通政叅議劉曰乾御史儲良材主事陳邦傳按察使蔣彬知縣朱麟皆清才可用者也臣所知者也臣所未知者尚多也乞

勅吏部行撫按查註該官員具薦復任則材無誤棄矣考察虧枉如編修王同祖御史毛鳳副使徐敬業觀叅議王臣革商臣張拱宸知府徐盈趙申黃一道皆一時虧枉者也查得

大明會典一款凡考察無職官員皆得舉用無考察黜退官員終身廢棄之令也

朝廷該黜官員猶得舉用吏部虧枉官員不許起用是

吏部威福過於

朝廷也皆臣下專權之術也臣嘗獻議凡考察官員不許訴辯若有虧枉聽九卿科道撫按從公保舉勘明起用乞

勅吏部查臣原議施行則人無枉黜正士得行其志矣

大禮得罪如原任翰林院學士豐熙修撰楊慎編修鄒守益少卿夏良勝等大獄得罪如少卿徐文華郎中劉仕主事唐樞等或削仕籍或投戎伍所以懲之也今則歷時淹久悔悟深矣

大禮之誤由漢至魏至宋千餘年矣諸臣誦習古書不知

錯誤至此也臣故曰議禮者之得罪也陷於不知也繼而極力憤爭欲與張孚敬桂萼及臣等較是非勝負也原其初心豈敢抗戾乎

朝廷也譬之人家兄弟鬩爭父母往救焉鬩者奮拳求勝不覺誤毆及親焉父母諒其子非敢毆已也其子之罪乃可恕也不諒其情直罪之曰子毆父母不孝也其子死且有餘戮往年諸臣之爭辨也兄弟鬩爭之類也其初心豈敢抗戾

朝廷也罪雖諸臣自致情亦可憫者也大獄之誤御史馬錄實其造謀若諸臣皆聞聲附和者也原首從定

罪諸臣亦情有可原者也伏惟

聖上憫諸臣罪謫既久許其改過自新外任閑住者召復

原職充軍爲民者量授一官臣見諸臣皆將鼓舞

聖化效忠自奮求爲

聖世之良材也臣屢欲爲諸臣

請罪惟事無於因不敢上煩

天聽仰承 明詔公薦材賢臣可以言之會也

聖旨該部知道

公薦武職疏

准南京兵部咨該太師兼太子太師武定侯郭勛奏

准備行到臣惟書稱張皇六師無壞我高祖寡命說者謂周室方隆不忘武備所以保太平之業也前代忠臣告君亦曰天下雖安忘戰則危古今明鑒也洪惟皇上撫熙洽之運天下太平極盛時也猶惓惓求將材焉卽古帝王張皇六師安不忘危之心也臣迂儒也不習武畧故於武將罕知其材謹詢南京勳戚侯伯或有知也據誠意伯劉瑜開報都指揮同知閻住韓平世有將材可備邊用都督馬驄開報原任延綏東路叅將署都指揮僉事崔大爵素諳邊情堪任主將原任湖廣行都司僉書署都指揮僉事孫昂精力強壯

渭崖文集

卷四

五

五

射藝開熟可任邊方副叅原任安慶守備署都指揮僉事芮餘力勇氣剛弓馬閑習堪任邊方副叅此五臣者劉瑜馬驄所薦舉者也臣所知者廣東叅將程鑒廣西叅將沈希儀謀勇兼資邊方可用者也高州之西山肇慶之羅旁綠水賊藪也若用程鑒守備又任勿撓責之成功焉地方或不受困至極也臣又聞邊將有趙撫時陳者臣不識其面惟聞將畧頗長以罪廢棄可惜也乞

勅兵部通查各官履歷參之輿論如果可用量才器使焉雖未可遽望以古之名將天下之人各舉所知名將

或由是可得也臣又惟川武將與文臣不同文臣必行檢素端乃可表式風化武臣則才勇是尚古人論將謂貪詐可使不責備故也邊將有以罪廢者畧其往愆責之立功自贖將材或亦可得也臣又惟古者邊將軍市之和皆得自川豐奠之財寬苛察之令武將乃得展布手足收聚爪牙以爲之翊遇敵則士卒效命戰勝成功遂稱名將豈直古者將材之良哉亦上馭之得其道也今於邊方一錢八帛之利皆文官司察之邊境城墻荒地所以優利武將者今悉籍入之官邊將束手無所措給夫邊將欲自廣耳目自強

渭崖文集

卷四

五

五

手足以固邊圉非其恩意自與士卒相爲一體豈可得也邊將窮困且苛歛士卒卒困敝復離士將上下交讎變亂所由起也欲求名將以安靖邊境豈可得也今於邊境關隘之征量給邊將俾得自利邊境荒地聽邊將召人墾闢不徵其和邊將各利其利自固封守復有餘財得以收召武勇儲他年邊將之選將材或亦可得也臣又惟今武舉選將其法備矣惟人材不同優武勇者或不識文墨長文藝者或不能弓馬故武舉雖行尚有遺材焉如於邊方以爲之地凡武勇技藝一長可錄皆聽所在收召糧食養養